



YWCUENGH YAWJDA DUENQBINGH GISUZ GVEIHFAN CAEUQ YINHYUNGH YENZGIU

(Banj Sawcuengh)

壮医目诊诊断技术规范与应用研究

(壮文版)

Lij Gveih (Bouxcuengh)

Lij Dungz

Cinz Sinhyen (Bouxcuengh)

Vangz Sanvaz (Bouxcuengh)

Cawjbien

Hoiz

李 珪 (壮族)

李 彤

覃新苑 (壮族)

黄善华 (壮族)

主编

译

Gvangjsih Gohyoz Gisuz Cuzbanjse
广西科学技术出版社



Minzcuz Sawcih Okbanj Cienhangh Swghinh Bangfuz Hanghmoeg
民族文字出版专项资金资助项目



**YWCUENGH YAWJDA
DUENQBINGH GISUZ GVEIHFAN
CAEUQ YINHYUNGH YENZGIU**

(Banj Sawcuengh)

壮医目诊诊断技术规范与应用研究

(壮文版)

Lij Gveih (Bouxcuengh)

Lij Dungz

Cinz Sinhyen (Bouxcuengh)

Vangz Sanvaz (Bouxcuengh)

Gawjbien

Hoiz

李 珪 (壮族)

李 彤

覃新苑 (壮族)

黄善华 (壮族)

主编

译

Gvangjsih Gohyoz Gisuz Cuzbanjse
广西科学技术出版社



图书在版编目 (CIP) 数据

壮医目诊诊断技术规范与应用研究: 壮文 / 李珪, 李彤主编;
覃新苑, 黄善华译. — 南宁: 广西科学技术出版社, 2015. 10
ISBN 978-7-5551-0499-5

I. ①壮… II. ①李… ②李… ③覃… ④黄… III. ①壮族—民族医学—诊断学—研究—壮语 IV. ①R291.8

中国版本图书馆CIP数据核字 (2015) 第 234635 号

壮医目诊诊断技术规范与应用研究 (壮文版)

ZHUANGYI MUZHEN ZHENDUAN JISHU GUIFAN YU YINGYONG YANJIU (ZHUANGWENBAN)

李珪 李彤 主编
覃新苑 黄善华 译

责任编辑: 罗煜涛 陈勇辉
责任校对: 韦淑英 覃波 覃祥建
责任印制: 韦文印

特约编辑: 覃祥周 雷明海
装帧设计: 韦娇林

出版人: 韦鸿学
社址: 广西南宁市东葛路 66 号
网 址: <http://www.gxkjs.com>

出版发行: 广西科学技术出版社
邮政编码: 530022

经 销: 全国各地新华书店
印 刷: 广西大华印刷有限公司
地 址: 广西南宁市高新区科园路 62 号
开 本: 787 mm×1092 mm 1/16
字 数: 110 千字
版 次: 2015 年 10 月第 1 版
书 号: ISBN 978-7-5551-0499-5
定 价: 50.00 元

邮政编码: 530007

印 张: 8.5
印 次: 2015 年 10 月第 1 次印刷

版权所有 侵权必究

质量服务承诺: 如发现缺页、错页、倒装等印装质量问题, 可直接向本社调换。

Guekgya Cunghyihyozy Gvanlijiz “Cib It Haj” cungdenj conhgoh (conhbing) giengzvaq gensez hanghmoeg

Guekgya gohgi dingjcengq giva minzcuz yihyoz fazcanj gvanhgen gisuz yenzgiu— 《Cuengh、Cauz、Yiz daengj minzcuzyih daegsaek duenqyw gisuz gveihfanva cingjleix yenzgiu》 swjgodiz

Gvangjsih Bouxcuengh Swcigh gohyoz yenzgiu caeuq gisuz haifat hanghmoeg (Gvei goh gungh 1355006-6)

Bonj saw neix caiq okbanj ndaejdaengz Gvangjsih “daegbinq conghyah” gijcienz cienhangh bangcoh

《YWCUENGH YAWJDA DUENQBINGH GISUZ
GVEIHFAN CAEUQ YINHYUNGH YENZGIU》

Biensij Veijyenzvei

Cawjbien	Lij Gveih (Bouxcuengh)
	Lij Dungz
Fouq cawjbien	Cungh Mingz (Bouxcuengh)
	Yungz Siujsiengz
	Veiz Haumingz (Bouxcuengh)
	Bangz Swnghhangz
Bouxbiensij	Yaz Dingzyi (Bouxcuengh)
	Goz Lizcwngz
	Fu Siujcinh
	Cuh Hungzmeiz
	Liengz Gyanghhungz (Bouxcuengh)
	Liengz Suyungj (Mohlaujcuz)
	Vangz Li
	Danz Cin (Mauznanzcuz)
	Yenz Fuhungz
	Vangz Ningzyinh
	Sung Ningz

Vah Haidaeuz

Gaijgwz gaihfang 30 bi daeuj, guek raeuz seveicujyi gensez saehnieb hingzseiq daihndei, gak hangz gak nieb guh bae lumj mbin nei, cwngzgoj lai raixcaix. Daibyauj Cungguek saujsu minzczuz conzdungj vwnzva yenzgiu gij minzczuz yihyoz saehnieb fazcanj caemh mbouj laehvaih, “ywcuengh yozyoz” aen mingzswz neix, daj vunz noix rox daengz ndaw guek, rog guek yihyoz conghyah caeuq gyoengq lwgminz cingznyiinh caeuq ciepsouh, sawj gij gaeuqlaux minzczuz yihyoz gisuz neix cauxfuk hawj cien gya fanh hoh. Youq minzczuz yihyoz ndawde, ywcuengh yozyoz youq guekgya caeuq dangdieg gak gaep hingzcwng bouhmonz daihlig cihciz lajde, yw, gyau, yenz, canj dijhi gaenq gihbwnj baenz itdingh gveihmoz. 2008 nienz, ywcuengh cizyez yihswh swghgwz gaujsi (sawjdiemj) guh ndaej swnhleih, engqgya demhdingh liux ywcuengh yozyoz youq guekcoj minzczuziyh yozyoz youqgaenj diegvih.

Ywcuengh yozyoz fazcanj daengz ngoenzneix, gaenq miz haemq caezcienz lijlung dijhi, linzczangz dijhi caeuq gyauyenz dijhi, okbanj liux cibgeij bouh ywcuengh yozyoz conhcu, lumj 《BOUXCUENGH YIHYOZSIJ》、《CUNGGUEK YWCUENGOZ》、《CUNGGUEK YWCUENGH NEIGOHYOZ》、《CUNGGUEK YWCUENGHYOZ》 daengj. Doiq ywcuengh linzczangz gifap yenzgiu, gveihfan, dwg youq swnjciep bouxgonq gingniemh gihcuj gwznde, aeu yienhdaih gohyoz lijlung guh cijdauj, vut yaez louz ndei, dauqma swhyienz, biengjhai caen yienghsiengq, sawj de engq ndei yinhyungh youq linzczangz, guekgya mizgven bouhmonz doiq neix gig yawjnaek, cuengqroengz ligliengh haemq daih guh gunggvn. Youq fuengmienh neix, ywcuengh yozyoz hix guh ok cingzcik sawj vunz angq, gonqlaeng okbanj liux 《YENZGIU GIJ FUENGFAP CAMZ LWED YWBINGH BOUXCUENGH》、《YWCUENGH YOZ MAE DIEMJ CIM YWFAP GISUZ DAJGUH GVEIHFAN CAEUQ YINHYUNGH YENZGIU》、《YWCUENGH YUNGHYW MBOK GOK YWFAP GISUZ DAJGUH GVEIHFAN CAEUQ YINHYUNGH YENZGIU》 daengj conhcu. Bouxsij miz caijsiq sien yawj bonj saw yaek okbanj 《YWCUENGH YAWJDA DUENQBINGH GISUZ GVEIHFAN CAEUQ YINHYUNGH YENZGIU》, raen bonj saw neix dwg bonj saw ndei swnj gonq ciep laeng ndeu, vih linzczangz duenqbingh daezhawj it cungi baenzsug, gohyoz, gveihfan duenqbingh fuengfap.

Ywcuengh yawjda duenqbingh dwg Gvangsijh Minzczuz Yihyoz Yenzgiusoj,

Gvangjsih Ywcuengh Yihyen gyoengq canghyw ywcuenghyoz sien vathai cingjleix, haujlai bi haeujsim yenzgiu, mboujduenh daezsang cwngzgoj. Ywcuengh yawjda duenqbingh conhgoh, gonqlaeng liedhaeuj Guekgya Cunghyihyoz Gvanjlijgiz minzcuzyih cungdenj conhgoh (conhbing) gensez hanghmoeg caeuq Gvangjsih Veiswnghdingh cungdenj conhgoh gensez hanghmoeg, Guekgya Cunghyihyoz Gvanjlijgiz caeuq Gvangjsih Veiswnghdingh cungdenj gohyenz godaez. Bonj saw neix boux cawjbien Lij Gveih dungzci bouxmbwk mbouj saw gvaq bouxsai, guek raeuz ywcuengh cujyin yihshw gig noix, de dwg boux ndeu, youq gijhong ywcuengh yozyoz yenzgiu roengzrengz guh 20 lai bi, dangrap caeuq guhsat lai hangh guekgya caeuq swngj dingh gaep ywcuengh yozyoz gohyenz godaez, dwg ywcuengh yawjda conhgoh caeuq guekgya gohgi dingjcengq godaez boux fucwz. Bonj saw neix bien sat caeuq okbanj, dwg de caeuq doengzsaeh de lai bi feiq haujlai simlwed cij sij okdaeuj.

《YWCUENGH YAWJDA DUENQBINGH GISUZ GVEIHFAN CAEUQ YINHYUNGH YENZGIU》 dwg bonj saw ndei mbouj gag yo、mbouj gag baujlouz. Ndaw saw doz faenz cungj miz, bouxdoeg caenh'aeu saeqsim doegyawj, camgya linzcangz, bietdingh ndaej youq mbouj raez seizgan ndawde hag rox gij fuengfap de. Gou siengsaengq, okbanj bonj saw neix, bietdingh doiq cienzbo caeuq doigvangq ywcuengh yoz miz coicaenh yunghcawq gig daih, caiqlix vih lajmbanj hozcoz yihliuz moq caeuq ndawsingz segih veiswngh fuzvu gensez caeuq fazcanj guh ok gungyen wnggai guh haenx, hix vih Gvangjsih Bouxcuengh Swcigih laebbaenz 50 hopbi yienhlaex.

《YWCUENGH YAWJDA DUENQBINGH GISUZ GVEIHFAN CAEUQ YINHYUNGH YENZGIU》 dwg ywcuengh doiq gijbingh mbouj miz sieng duenqbingh fuengfap cobouh yenzgiu, yienznaeuz mbouj dwg caengim byauhacunj, ndaw saw hix miz di mboujcuk, lij daengj bouxsij mboujduenh guh caezcienz, hoeng gij ndei lai gvaq gij mboujcuk, de doiq yihyoz saehnieb yunghcawq youqgaenj dwg mbouj miz maz ngeiz. Gou muengh doenggvaq okbanj bonj saw neix, ndaej yinxhwnj gyoengq doengzsaeh caeuq mizgven bouhmonz doiq ywcuengh yozyoz caeuq gizyawz saujsu minzcuz yihyozyoz mizyinx caeuq haeujsim, comz cungqvunz geiqmaeuz, ciepsouh mizik yigen, lailai “dwkbnh”, lailai “rwedraemx”, lailai bangfuz, hawj ndawbiengz gij duenqbingh ywbingh gifap caeuq yungh yw gingniemh neix riuzcienz roengzbae, hawj de lumj gomak haiva nei, yied hai yied gyaeu, gietok gijmak laidaih.

Gvangjsih Bouxcuengh Swcigih Veiswnghdingh dinghcangj

Lij Gozgenh

2013 nienz 11 nyied

Vah Baihnaj

Bouxcuengh dawz yenjcingh heuhguh “lwgda”. Ywcuengh laihnaeuz, lwgda dwg diendeih hawj bakcueng ndang’vunz, dwg hawj vunz raen rongh, dwg giz cing’vaz mbwn, deih, vunz samheiq. Gij cingheiq samdiuz songloh ndang’vunz, cungj youqlaeng lwgda. Lwgda ndaej mbwn, deih, vunz samheiq ciengx cij ndaej yawj doenghyiengh. Youq sengleix yienghcej laj de, lwgda ndaej bauhamz itciet, yawjronz itciet. Youq binghleix yienghcej lajde, lwgda caemh ndaej fanjyingj gak cungj bingh. Yawjda duenqbingh youq duenqbingh fuengmienh gig youqgaenj, ywcuengh yawjda duenqbingh, dawz ndang’vunz gak bouhvih, gi’gvanh ciuq daegdingh gvolid vehfaen haeuj dahau (gungjmoz) caeuq da’ndaem (hungzmoz) doxhab diegvih, doenggvaq cazyawj lwgda yienzsaek, yienghcej caeuq meglah gwnz dahau saeqset bienvraq, da’ndaem saenqhauh mboujdoengz bingzciengz haenx, daeuj duenqdingh gij bingh diegvih, bingh’aen, binghsingq caeuq yawhlaeng. De miz duenqbingh cinj, dajguh gienjbienh, ancienz cuengqsim, cienzyungh bienzngreiz, heih hag heih rox, yungzheih doigvangq daengj daegdiemj, daegbied dwg habyungh youq dijgenj caeuq bujcaz. Ywcuengh yawjda duenqbingh yenzgiu caeuq yinhyungh, vih linzcangz yihyoz daezhawj it cungj duenqbingh fuengfap moq, de gienj, bienh, cinj, vaiq, mbouj miz sieng daengj gijndei, cugciemh souhdaengz vunz lai yawjnaek, raeuz hab haeujlaeg guh yenzgiu caeuq ciepswnj.

1985 nienz laebbaenz Gvangjsih Minzcuz Yihyoz Yenzgiusoj doxdaeuj, haidaeuz doiq ywcuengh yawjda duenqbingh daegsaek duenqbingh gisuz guh gijhong haivat cingjleix, ngeihcib lai bi daeuj, ywcuenghyoz boux gohyenz youq ywcuengh yawjda duenqbingh lijlung yenzgiu, linzcangz niemhcwngq, doigvangq yinhyungh daengj fuengmienh guh gijhong gig lai, doiq ywcuengh yawjda duenqbingh lijlung gihcuq, hab’wngq fanreiz, yawjcaek fuengfap, ndei binghcungj, gisuz gveihfan daengj guh yenzgiu, Guekgya Cunghyihyoz Gvanlijigiz gaenq dawz ywcuengh yawjda duenqbingh gisuz lied guh Guekgya Cunghyihyoz Gvanlijigiz “cib it haj ” cungqdiemj conhbing conhgoh gensez hanghmoeg (2011 nienz doenggvaq Guekgya Cunghyihyoz Gvanlijigiz

cujciz niemhsou), 2007 nienz 《CUENGH, CAUZ, YIZ DAENGJ MINZCUZYIH DAEGSAEK DUENQYW GISUZ GVEIHFANVA CINGJLEIX YENZGIU——YWCUENGH YAWJDA DUENQDINGH DUNGX CIBNGEIHCIJCANGZ GISUZ GVEIHFANVA YENZGIU》 liedhaeuj guekgya gohgi dingjengq giva godaez, 2010 nienz 《YWCUENGH YAWJDA DUENQBINGH SIUHVASING NAEUHLANH GISUZ》 liedhaeuj Guekgya CunghyihyoZ Gvanlijigiz minzcuz yihyoZ habyungh gisuz genjleh doigvangq hanghmoeg, Gvangsijh Bouxcuengh Swcigih Veiswngghdingh dawz ywcuengh yawjda duenqbingh lied guh mienhyiengq daengxgih doigvangq cunghyih ywcuengh linzcangz habyungh gisuz. Ginggvaq lai bi yenzgiu, ywcuengh yawjda duenqbingh gisuz cugciemh baenzsug, youq linzcangz gwnzde ndaejdaengz haemq gvangqlangh yinhyungh, daiqdoengh ywcuengh yozsuz fazcanj, youq ndawguek rogguek miz haemq daih yingjyangj.

《YWCUENGH YAWJDA DUENQBINGH GISUZ GVEIHFAN CAEUQ YINHYUNGH YENZGIU》 biengwnz gaisau ywcuengh yawjda duenqbingh yenzlij, lizsij bienqsenj, duenqbingh daegdiemj, bien'gyang gaisau ywcuengh yawjda duenqbingh gisuz linzcangz yenzgiu gyoeblnh, bienlaj gaisau ywcuengh yawjda duenqbingh gisuz fuengfap, caiq fouq doz caijsaek linzcangz ciengzraen 31 cungj bingh yawjda duenqbingh lwgda binghyiengh. Daengx bonj saw doz faenz cungj miz, fuengbienh bouxdoeg youq linzcangz duenqbingh camgauj sawjyungh.

Bonj saw neix caiq okbanj, ndaejdaengz Gvangsijh Bouxcuengh Swcigih Veiswngghdingh, Gvangsijh Bouxcuengh Swcigih Minzcuz YihyoZ Yenzgiuyen, Gvangsijh Ywcuengh Yihyen caeuq Gvangsijh GohyoZ Gisuz Cuzbanjse daihlig cihciz, youq neix itheij byaujsi docih.

Bouxbien

2013 nienz 11 nyied

MOEGLOEG

BIENGWNZ YWCUENGH YAWJDA DUENQBINGH GISUZ CUNGJLWNH	
CIENG DAIH'IT DAIHGAIQ LWNH GANGJ	(3)
CIET DAIH'IT YWCUENGH YAWJDA DUENQBINGH LIZSIJ BIENQSENJ	(3)
CIET DAIHNGEIH YWCUENGH YAWJDA DUENQBINGH DAEGDIEMJ	(5)
CIENG DAIHNGEIH YWCUENGH YAWJDA DUENQBINGH GISUZ LIJLUN GIHCUI	(8)
CIET DAIH'IT YWCUENGH YAWJDA DUENQBINGH LIJLUN	(8)
CIET DAIHNGEIH YWCUENGH YAWJDA DUENQBINGH FUENGFAP	(8)
CIENG DAIHSAM YWCUENGH YAWJDA DUENQBINGH DAJGUH GISUZ GVEIHFANROEK BOUH GYOEBFAEN FUENGFAP	(33)
BIEN'GYANG YWCUENGH YAWJDA DUENQBINGH GISUZ LINZCANGZ YENZGIU	
CIENG DAIH'IT BINAENGZ YWCUENGH YAWJDA DUENQBINGH GISUZ GOHYENZ LAEBHANGH CINGZGVANG	(37)
CIENG DAIHNGEIH YWCUENGH YAWJDA DUENQBINGH LINZCANGZ YENZGIU LUNVWNZ GENJAEU	(38)
CIET DAIH'IT RONGZVA BAENZBAEZ	(38)
CIET DAIHNGEIH SIUHVASING NAEUHLANH	(39)
CIET DAIHSAM VEIYENZ MENHNUMQ	(41)
CIET DAIHSEIQ BINGHHWETDOED	(41)

CIET DAIHHAJ BINGHHEZYAZSANG	(42)
CIET DAIHROEK BINGHVUENGZBIU	(43)
CIET DAIHCAET BINGHHOZLAUX	(45)
CIET DAIHBET BINGHDANGZNIU	(45)

CIENG DAIHSAM LINZCANGZ CIENGZRAEN BINGHYIENGH

YWCUENGH YAWJDA DUENQBINGH DWZCWNGH	(47)
CIET DAIH'IT BAENZA MENHNUMQ	(47)
CIET DAIHNGEIH AE'NGAB	(48)
CIET DAIHSAM LAUZBINGH	(49)
CIET DAIHSEIQ BINGHBWTAIZ	(51)
CIET DAIHHAJ VEIYENZ MENHNUMQ	(52)
CIET DAIHROEK SIUHVASING NAEUHLANH	(54)
CIET DAIHCAET SAEJHUJ MENHNUMQ	(56)
CIET DAIHBET VUENGZBIU MENHNUMQ	(57)
CIET DAIHGOUJ BINGHDAEPGENG	(59)
CIET DAIHCIB BINGHGANH'AIZ	(61)
CIET CIB'IT BINGHMAKHWNG MENHNUMQ	(62)
CIET CIBNGEIH LOHNYOUH MIZRIN	(64)
CIET CIBSAM LOHNYOUH DENGLAH	(65)
CIET CIBSEIQ CENZLEZSENYENZ	(66)
CIET CIBHAJ BINGHSIMDAEUZ FUNGHEIQ	(69)
CIET CIBROEK GVANHSINHBING	(70)
CIET CIBCAET BINGHHEZYAZSANG	(72)
CIET CIBBET BINGHCIHHEZSANG	(73)
CIET CIBGOUJ BINGHDANGZNIU	(74)
CIET NGEIHCIB BINGHHOZIN	(76)
CIET NGEIHCIB IT NDAENGSÆK MUGRIH	(77)
CIET NGEIHCIB NGEIH BIZYENH'AIZ	(78)
CIET NGEIHCIB SAM BINGH BÆZCIJ	(80)
CIET NGEIHCIB SEIQ RONGZVA BAENZBAEZ	(81)
CIET NGEIHCIB HAJ BINGHNDOKHOZ	(82)
CIET NGEIHCIB ROEK BINGHMBAQIN	(84)
CIET NGEIHCIB CAET BINGHHWETDOED	(85)
CIET NGEIHCIB BET BÆZHANGX	(86)

**CIENG DAIHSEIQ YWCUENGH YAWJDA DUENQBINGH
LINZCANGZ LWGDA BINGHYIENGH DENJHINGZ
BINGHLAEH LIED OKDAEUJ (88)**

**BIENLAJ AENDOZ CAIJSÆK YWCUENGH YAWJDA
DUENQ BINGH GIJ BINGHYIENGH
LINZCANGZ CIENGZRAEN
CIENG DAIH'IT YWCUENGH YAWJDA DUENQBINGH
GENJCAZ FUENGFAP (107)**

**CIENG DAIHNGEIH YWCUENGH YAWJDA DUENQBINGH
RAEN GIJ BINGH LINZCANGZ CIENGZRAEN YOUQ
LWGDA BINGHYIENGH (108)**

GIJ SAW CANHGAUJ (120)

BIENGWNZ

**YWCUENGH YAWJDA
DUENQBINGH GISUZ CUNGJLWNH**

CIENG DAIH'IT DAIHGAIQ LWNHGANGJ

CIET DAIH'IT YWCUENGH YAWJDA DUENQBINGH LIZSIJ BIENQSENJ

Ywcuengh dawz yenjcingh heuhguh “lwgda”, yawjnaek lwgda duenqbingh dwg ywcuengh gij duenqbingh daegsaek youqgaenj ndeu, youq neigoh yinhyungh haemq lai, seizneix gizyawz gak goh hix caemh yungh.

Ywcuengh doiq lwgda gig yawjnaek, laihnaeuz lwgda dwg congheuceng ndang'vunz diendeih hawj, dwg hawj vunz yawjraen rongh, dwg giz cing'vaz mbwn deih vunz sam heiq. Ndag'vunz sam diuz song loh cing'heiq cungj dwk haeuj lwgda bae, lwgda ndaej mbwn deih vunz sam heiq ciengx, cij ndaej veizciz cingqciengz sengleix yienghcej. Youq binghleix yienghcej lajde, lwgda hix ndaej fanjyingj gak cungj bingh, haujai bingh cungj ndaej doenggvaq cazyawj lwgda bienqvaq duenqbingh okdaeuj.

Lwgminz Bouxcuengh youq ndaw fwen geqlaux eu naeuz: “Daenj saek laegfeuh duenq moq gaeuq, utvan lai noix faen mbaeu naek, megloh caemluenh miz heiqcumx, megloh sanqluenh dengrumz lai, megloh gaenh da aiq dwg huj, megloh depbien hix dwg nit, raetndaem lwed cwk raetlamz non, linzcangz yawjda rox cingcuj.” Gyoebgyonj gangjmingz ywcuengh yawjda duenqbingh fuengfap caeuq eiqsei. Ciuhlaux ywcuengh cujyau dwg doenggvaq lwgda cazyawj bouxbingh lwgda cingsaenz saekrongh, lwgda fancienj baenzlawzyiengh, hawq mbouj hawq, megloh gwnzda bienqvaq daengj daeuj duenqbingh. Gvaqlaeng doenggvaq mboujduenh cungjgez caeuq daezsang, caiqlix souh vaiz max daengj souyih yawjda duenqbingh daezsingj, baenz itdaug yawjda duenqbingh fuengfap sawjyung h ngoenzneix. Seizneix ywcuengh yawjda duenqbingh conghyah youq ciepswnj bouxgonq yawjda duenqbingh gingniemh gihcuj gwnzde, ginggvaq lai bi linzcangz saedhengz, cungjgez ok baenz dauq fuengfap yungh gingqcuengqhung guh yawjda duenqbingh. Fuengfap moq cujyau dwg yungh 5 ~ 50 boix gingqcuengqhung roxnaeuz daengdekluegq yenjveizging, doenggvaq cazyawj lwgda gungmoz (dahau), hungzmoz (da'ndaem), lwgbaed gij saekrongh, yienghcej caeuq megloh saeqnaeh

bienqvaq, ra ok ywcuengh yawjda duenqbingh lwgda binghyiengh, daeuj duenqdingh gijbingh youq gizlawz, bingh'aen binghsingq caeuq yawhlaeng. Ciuq ywcuengh gingniemh cunggez caeuq cobouh yenzgiu cazyawj gangjmingz, ndang'vunz mbouj doengz cujcz, mbouj doengz gi'gvanh, mbouj doengz bouhvih binghbienq, cungj ndaej youq gwnz dahau (gungjmoz) caeuq da'ndaem (hungzmoz) miz giz fanjying daegdingh saenqhauh; doengz aen cujcz gi'gvanh ndeu mbouj doengz gijbingh, youq giz fanjyingj hix ndaej miz mbouj doengz bienqyiengh saenqhauh.

1985 nienz, Gvangjsih Minzczuz Yihyoz Yenzgiusoj laebbaenz, youq boux sojchangj daih'it Vangz Hanyuz gyausou lingjdauj lajde, daengxsoj hidungj guh gij hong ywcuenghyoz haivat cingjeix caeuq linzcangz yenzgiu. Gaenq gvaqciuh ywcuengh yawjda duenqbingh conghyah Vangz Laujvuj, dwg buek ceiq caeux minzczuz yihswh deng iudaengz aen yenzgiusoj neix, daiq gij sezgi gyadog ywcuengh yawjda duenqbingh de daeuj. Vihliux engq hidungj , engq gohyoz dwk fazcanj monz dogdaeg duenqbingh gisuz neix, faenbied youq 1991 nienz caeuq 1992 nienz, youz Vangz Laujvuj fucujyin yihswh, Liuz Ciswngh fucujyin yihswh youq Guekgya Cunghyihyoz Gvanjlijgiz caeuq Gvangjsih Bouxcuengh Swcigih Veiswnghdingh laebhangh yenzgiu ywcuengh yawjda duenqdingh rongzva baenzbaez 160 laeh, raen daegdingh lwgda binghyiengh dabdaengz 136 laeh, duenqbingh fuzhozliz 85%; ywcuengh yawjda duenqdingh siuhvasing naeuh lanh 200 laeh, raen daegdingh lwgda binghyiengh 152 laeh, duenqbingh fuzhozliz 76%. Lij Dungz gyausou okbanj conhcu 《Yawjda Duenqbingh》, hawj ywcuengh yawjda duenqbingh miz itdingh lijlnun baengzgawq caeuq linzcangz comzrom.

2001~2007 nienz, Gvangjsih Minzczuz Yihyoz Yenzgiusoj boux daihngleih sojchangj Bangz Swngghhangz caeuq boux daihsam sojchangj Cungh Mingz lingjdauj caeuq cujcz lajde, Gvangjsih Minzczuz Yenzgiusoj ywcuengh yawjda duenqbingh conhgoh liedhaeuj Guekgya Cunghyihyoz Gvanjlijgiz, Gvangjsih Bouxcuengh Swcigih Veiswnghdingh “cib haj” cungdenj conhgoh gensez hanghmoeg, caiqlix youq 2006 nienz 3 nyied doenggvaq Guekgya Cunghyihyoz Gvanjlijgiz caeuq Gvangjsih Bouxcuengh Swcigih Veiswnghdingh song gaep niemhsou. “Cib it haj” ndawde ywcuengh yawjda duenqbingh conhgoh, lij laebdaeb liedhaeuj Guekgya Cunghyihyoz Gvanjlijgiz cungdenj conhgoh giengzvaq gensez hanghmoeg. Aenvih cungdenj conhgoh gensez, Gvangjsih Yihyoz Yenzgiusoj okyienh it buek ywcuengh yawjda duenqbingh conghyah ceiq ak, lumjbaenz ywcuengh yawjda duenqbingh gisuz boudaiqdaeuz Lij Gveih ywcuengh cujyin yihswh, youq hidungj cingjeix ywcuengh ndawbiengz yawjda duenqbingh gingniemh gihcuj gwnzde, aeu ywcuengh lijlnun guh cijdauj, doiq ywcuengh yawjda duenqbingh gisuz guh hidungj

cingjleix caeuq gveihfan yenzgiu, 2007 nienz “cib it haj guekgya gohgi dingjengq giva hanghmoeg”, minzcuz yihoz fazcanj gvanhgen gisuz sifan yenzgiu ndawde, dangrap swjgodaex “ywcuengh yawjda duenqbingh gisuz gveihfanva yenzgiu”, dawz ywcuengh yawjda duenqbingh gij gaeuqlaux gisuz neix, yoengxdaengz yienhdaih gohyoz mbaeksang. Gizyawz ywcuengh yawjda duenqbingh conhyah lijimiz Lij Dungz, Yaz Dingzyi, Fu Siujinh, Vangz Ginglinz, Vangz Ningzyinh daengj. Gvangsih Minzcuz Yenzgiusoj Beizyinbu haicanj gijhong ywcuengh yawjda duenqbingh beizyin, yozyenz budoh Gvangsih daengxgih, daengxguek vanzlij miz Dunghnanya, daegbied dwg gaenh geij bi daeuj, doigvangj lajmbanj hozcoz yihliuz moq, daengxgih gak yanghcin veiswnghyen cungj faen geiz faen buek baij vunz daeuj beizyinbu hagsib, yozyenz daiq dwk deng gij meizdij haenhnaeuz “ndang’vunz CT ” ywcuengh yawjda duenqbingh gisuz haenx, madaengz gihcwngz fuzvu lwgminz, gemjmbaeu bouxbingh guh gienjniemh mazfan, geij aen vwndiz yawjbingh nanz, yawjbingh bengz, gemjmbaeu bouxbingh diuzrap. Ginggvaq 20 lai bi cienzciep, fazcanj, ywcuengh yawjda duenqbingh gisuz yenzgiu cugciemh cingzsug, gveihfan, vih de caiq haeujlaeg doigvangj yinhyungh demhdingh ndei giekdaj.

CIET DAIHNGEIH YWCUENGH YAWJDA DUENQBINGH DAEGDIEMJ

1. Duenqbingh cinj, vaiq

Daj ywcuengh yawjda duenqbingh gisuz yinhyungh youq linzcangz le, de doiq gijbingh duenqbingh gyaciz cugbough daezsang, lumjbaenz gungjmoz duenqbingh fuengfap duenqbingh fuzhozliz sangdaengz 85%, hungzmoz duenqbingh fuengfap daengz 80% doxhwnj. Caiqlix de duenqbingh vaiq, doenggvaq ywcuengh yawjda duenqbingh couh rox bouxbingh binghyiengh roxnaeuz baenz gijmaz bingh.

2. Dajguh gienjbienh, yungzheih hag yungzheih rox

Ywcuengh yawjda duenqbingh gisuz sezbei gienjdan, lwgda roxnaeuz aeu 5~50 boix gingqcuengqhung bangcoh, couh ndaej guhhong. Youq ndawranz rogranz, ndawnaz gyaeujreih, gyaeujgai rienghongh, gunghcangj cehgenh, seizseiz gizgiz cungj ndaej guh genjaz, mbouj souh ndang’yiengh caeuq vanzging diuzgen laeghaed. Bouxyw